

Шогшо эл, торылык да гын берг!

Будь готов/

ЯМДЕ ЛИЙ

1933 ий 1 февраль годсек лектеш.

0+

Эңыр гене – ер воктеке

27 июнь –
Колым кучымо
тўнямбал
кече.

Эңырым кучен, ер деке

Погынат йоча-влакат.

Ўжара печкалтме велке

Ошкылыт канаш ракат.

Южым тамлым шўлалталын,

Колым эңырен шинчат.

Тамле омым пызыралын,

Колын чўнгымым вучат.

Кече кўшкё кўзымешке

Каналтат иктеш пырля.

– Эңырем шерем теммешке, –

Шыпак пелешта Илья.

– Эр-эрдене кол чўнга гын,

Кечывалым каналта, –

А Егор каласыш чынак,

Колжо теве тўршталта.

Чўнгыш таче кол пеш талын:

Карака, олангыжат.

Ведыраште ийыт шолын,

Лектышланже шыргыжат.

Е.ИВАНОВА.

Авторын фотожо.

Лотерей
2021 ийын кокымшо пелийжылан
«Ямде лий» газетлан **ПОДПИСКЫМ** ыште да
лотерей модышыш ушно. Тўн приз – самокат!
Рекламе. **Индекс – П4696.**

Снимкыште
Морко район Кугу Шале
гыч **Илья ЕМЕЛЬЯНОВЫМ,**
Артём ИВАНОВЫМ, Егор
ФЁДОРОВЫМ ужда. Нуным ер
воктене чўчкыдын шекланаш лиш.
Колым кучымо секретым да колан
верым пеш сайын палат.

Российысе увер

2022 ийыште финн-угор тунян тувыра рудывержылан Одо кундем Алнаш районысо Байтэрек ялым ойыренят. Тушто идальк мучко 12 түрлө мероприятий лиеш. Тидын нерген Финн-угор калык-влакын VIII тунямбал конгрессыштышт увертареныт.

Сүретлаш йоратыше удыр-рвезе-влак, «Рисуем вместе с Комус» всероссийский конкурсш ушнен кертыда. Пашам 23 сентябрь марте колтыман. Түрыс уверым risuemvmestekomus.ru сайтыште ончыза.

Военно-Морской флот кечылан полеклалтше «Мы за Великую Державу» всероссийский мурсем проект радамдыште «За тех, кто в море!» военный да патриотический муро фестиваль-конкурс онлайн эрталатеш. Түрыс уверым soyuz-kultura.com сайтыште лудса.

Марий Элысе увер

Игече чот шокшо шогымылан кӧра Марий Эл Республикыште 5 июль марте чодыраш пураш чарыме. Тулотым олташ, кукшо шудым, куштырам йӱлалташ огеш лий.

«Демографий» нац-проектын «Спорт – норма жизни» федерал проектше почеш Звенигово районысо Красногорский посёлкышто футболла модаш искусственный пасум ыштат.

Юл кундем федерал округысо «Герои Отечества» мер проект радамдыште эрталтше «Шочмо элым аралыше-влакым шарнымашлан полеклалтше эн сай тоштер» конкурсш республикысе йыжынжым иктешленыт. Йошкар-Оласе 11-ше номеран лицейын историй тоштерже сенгышыш лектын.



«Лудыкшыдымылык школ» регион-влак кокласе тагасымаш Мордовийыште эртаралтын. Тушто Юл кундем федерал округ гыч 19 команде тагасен. Марий Элын командыже (снимкыште) икымше верым сенен налын. Саламлена!

Фотом Интернет гыч налме.



Увер

Географий, химий да литератур денЕГЭ-н лектышыже рашемын. Марий Эл Республикысе образований да науко министерствын увертарымыж почеш, кум тунемше (Параньга, Волжск олесе 10-шо номеран школла да Политехнический лицей-интернат гыч) химий, 1-ше номеран Звенигово школын тунемшыже географий да Йошкар-Оласе 28-ше номеран лицейын выпускникше литератур денЕ 100 баллым погеныт.

Историйым шергалына

29 июнь – Кугу Ачамланде сарыште фашист-влак ваштареш кредалше партизан ден подпольщик-влакым шарныме кече.

1941-1944 ийлаште 6200 партизан отряд лийын. Тудо 1 миллион наре еным ушнен. 300 тижем партизан орден да медаль дене палемдалтын. Совет Ушем Герой лймым 249 партизанлан пуымо.

Элнан сеналтдыме геройжо Огеш йом мланде йымалан.

М.КАЗАКОВ.

Кӧ тыгай лидер?

Марий Элыште «Лидеры 21 века» всероссийский конкурсш республикысе йыжынже эртаралтын. Түрлө район гыч латик удыр-рвезе чолгалыкым ончыктен. «14-17 ияш-влак коклаште йоча ушемын лидерже» тагасыште Марий Турек районысо Нартас школын тунемшыже Александр Рычков (снимкыште) сенышыш лектын. Тудо «Шӱдыр» военно-патриотический клубын командирже. Саша Марий Элын чапшым Всероссийский этапыште аралаш туналеш.

Е.ИВАНОВА ямдылен.



Фотом Интернет гыч налме.



Авторын фотожо.

шырым, шоганым, йош-карушменым да молымат ончен куштат. 5-8-ше класслам тунем пытарыше икшыве-влак пакчаште кенеж мучко черет дене тўрлў сомьлым ыштат.

Теве школ гыч сылне мурсем йонгалте. Туштыжо мо тыгай?

– Школ пеленысе «Планета дружбы-2021» йоча лагерысе ўдыр-рвезе-влак жапыштым тыге веселан эртарат, – пал-

Мўкш еш гай гўжлышў школ

Кенеж канышым ончыде, Медведево районьысо Руэм школ мўкш омартала гўжла. Школ кудывечысе йўк-йўан торашке шергылтеш. Ўдыр-рвезе-влак пеледыш клумбышто шўкшудым сомьлат, пушкыдемдат, вўдым шават (снимкыште). Тиде экологий отряд тўн сомьлым шукта. «Экологий отрядын ик сменяже вич кече шуйна, вара мемнам вес йоча-влак алмаштат, – ойла 6-шо классым тунем пытарыше Тимур Юркин. – Туньк-тымшо-влак Татьяна Ильинична Долгорукова ден Ангелина Михайловна Никитинан вуйла-тымьышт почеш тўрлў пеледышым, кушкы-лым шымлена».

Тораштак огыл вес йоча тўшка парентге йы-ранлам тарватылеш. Школын шке пакчаже уло. Тушто парентгым, ке-

дара лагерь вуйлатыше А.В.Актанаева. – Тушко 1-4-ше класслам тунем пытарыше 120 йоча коштеш. Лагерьыште 6 отряд уло: каж-нын – ике лўмжў, мурьжо, ўжма-шыже. Лагерьыште тўрлў кружок пашам ышта.

Икшыве ишалан келшышым ойы-рен кертеш. Кажне кече онай меро-приятыйлан полян. Рўдо-ласе тўрлў т е а т р ы ш , Медведево посёл-кысо зоопаркыи миенна

Л.ГРИГОРЬЕВА.

Руэм школышто 800 утла ўдыр-рвезе шинчымашым пага. Тунемше да туньктышо коллективым директор Ю.А.Харужина моштен вуй-лата. Сандене школ илыш идалык мучко мўкш еш гай гўжла. Йоча-влак уш-акы-лым пойдарат, пашалан тунемым да ончыкы-лык илышлан ямдылалтыт.



Увер

Марий

Элыште каныме да таза-лыкым пентгыдемдыме чыла йоча лагерь пашам ышта. Республикыште эпидемиологий сўрет начарештмылан кўра Роспотребнадзорын Марий Эл Республикысе управленийже каныме да тазалыкым пентгыдемдыме йоча лагерьлаште инфекций ваштареш профилакти-кым ыштыме пашам вияндаш темла. Смене пытымеш лагерь гыч нигўат нигушко кайы-шаш огыл. «Ача-ава кече-влакым» эртараш чарыме.

Уверым Марий Эл Республикысе образо-ваний да науко министрствын сайтше гыч налме.

Писе да виян улыт

Сенгымаш

«Президентские игры» всероссийский спорт таңасымашын регионьысо этапше Йошкар-Олаште эртаралтын. Волжский районьын чапшым Сотнур школын 7-8-ше класслажым тунем пытарыше ўдыр-рвезе-влак (снимкыште) араленыт. Таңасымаш волей-бол, баскетбол, ўстембал теннис, куштылго атлетике дене лийын. Сотнур школын командыже эн шуко очком поген, икым-ше ве-рым сен-нен на-лын.

Ўдыр-рвезе-влакым ф и з - культу-р ы м туньк-тышо Р.С.Михайлов ден тренер М.С.Тимофеев

ямдыленыт. Самырык спортсмен-влак Всероссийский таңасымашын финалыштыже вий-куатыштым тергаш тўналыт.

Л.НИКОЛАЕВА ямдылен.



Фотом Интернет гыч налме.

Мый
книгагудышто
шинчылмышым
налынам.

Мөршын яра.

Р.Брэдбери.

#Лүмгече



Морко кундемын эргыже, Россий писатель мушемьын енге, марий серызе Я.МЕГОРОВ-ЭНСУЛ (снимкыште) 2 июльышто 75 ийым тема. Тудын дене ваш-лийын мутланьшна.

– Яков Михайлович, йоча жапда могай шарнымашым коден?

– Мый моткоч сылне, саскалан поян верыште, Морко районысо Айбакнуреш шочынам. Авам Маршан Ерсолаш марлан лектын. Ойырлен толмекше, мыйым кочам дене илаш коден. Вера кокай шке эргыже семын ончен, авам гай лийын. Кочам вольыкым шуко ончен. Лу мукш омартам кучен. Тудын дене илыме жап эн пиалан лийын.

Кугу Кожляял школьшко тунемаш каenam. Тиде ийынак ачам ден авам Нөрөпсолоште тошто пörтгым налыныт да мыйым шкешт деке нангаеныт. Кокымшо классыште тунемем годым ачам күтүм күташ ұшанен. Покро марте чодыраште вольык почеш коштынам, вара школьш каenam. Урок деч вара нымыштым руаш нангаeныт. Чот кылмыме дене капеш сұван лектеден, тунеме начаремын. Тыге ик классыште кокымшо ийлан шинчен кодынам.

Тунемаш кумыл лийын гынат, жап ситен огыл. Сандене кандаш классым латшым ияш веле пытаренам. Школ илыш гыч марий йылмым туныктышо Алексей Иванович Кузнецовым порын шарналтем. Тудо школьшто сылнымут кружокым вүден.

– Тугеже сылнымут корныш шогалаш шочмо йылмым туныктышыда кумыланден?

– Алексей Иванович йылмым лывыртыме пашалан шуко жапым ойырен. Туныктышоваклан методике пособий-шамычым ямдылен, йоча-влаклан книгагудышто савыктен. Сылнымут кружокыш мыят коштынам. Писатель лияш шоненам. Латкок ияшем годым «Кеҥеж» лұман икымше почеламутем шочын. Тудым «Рвезе йүк»

пырдыжгазетеш савыктеныт. Тиддеч вара «пөзий чер» дене черланенам. 1960 ий январьыште илыш корныштем кугу вашталтыш лие. Теле каникул годым Морко районысо газет редакцийыш (тунам «Коммунизм верч» газет лийын) возимем кондышым.

Писатель лияш шонен

«Ответственный секретарь» манын возимо омсам öрын-öрынак почым. Палыдыме рвезым ужмеке, савырнен кайынем ыле, тудо чарен шогалтыш. Серыман тетрадым аптыраненрак шуялтышым. Тиде Валентин Колумб лийын. Туддене шуко гана вашлийынна, кутыренна, почеламут-влакым лончыленна, ятыр гана пукшенат колтен. Валентин Колумбм туныктышем манам гынат, йонгылыш ом лий.

– Те могай книгагудышто лудаш йöратеда?

– Книгагудышто лудаш йöратедам. Керосин уке годым конта ончылно чырам йöралалтен лудынам. Никандр Лекайнын «Шöртнö падыраш» повестышым уло класс дене лудмо. Тунар чот келшен. Писатель лийме нерген шонымашем эшеат виянгын. «Кугу сарын тулыштыжо» романым ныл гана лудынам. Я.П.Майоров-Шкетанын возымыжо чонемлан лишыл. Рушла произведенийламаат öрдыжеш ом кодо.

Лагалыме

Яков Михайлович!

Шочмо кечыда дене шокишын саламлена. Пенгыде тазалыкым, кужу ймырым, чон ласкалыкым тыланена. Тлек сылнымут мундырада лудшо-влакым улбакыжат куандара.

«Ямде лий» газет редакцийын пашаенге-влак.



Нуньлан возаш мо таратен?

– Йоча годсо илыш возаш таратен. Уныкам-влак кидыш ручкам налаш кумыландат. Мыйын кандаш уныкам уло. Нуным ончен, йывыртен илем.

Пүртүсыштö кошташ, йоча-влакын модмыштым, мутланымыштым эскераш йöратем. Сандене образ да онай сүрет-влак илыш гыч лекше улыт.

– Йоча-влаклан мом тыланеда?

– Түрлö чиян, мотор сүретан книга кызыт шуко гынат, йоча-влак лудаш öрканат. Ача-ава-влак кумыландышаш улыт, очыни. А мый тыге каласем: сайын, тыршен тунемза, шуко книгагудышто лудса. Спорт дене кылым кучыза. Вашла полшен да келшен илыза.

Е.ИВАНОВА мутланен.

Кроссворд

И.Ломберскийын «Пакет дене» ойлымашыже почеш.



Шола гыч пурлашке:

1.Рвезын лүмжө. 4.Ойлымашын авторжо. 7.Эрвел ... 8.Имныжым тыге лүмда. 9.Ныл йолан йолташ. 10.Произведенийын жанрже.

Кўшыч ўлыкө:

2.Изергинлан тушман. 3.Ял лүм. 5.Ойлымашын тўн геройжо. 6.Ойлымашыште могай сар жапым ончыктымo?

В.СМИРНОВ ямдылен.

Пушкинын тўняшкыже

Александр Пушкинын шочмыжлан 222 ий темме лўмеш школ пеленысе «Василёк» лагерьыште онгай мероприятий эртаралтын. Ме серызын йомакше-влак почеш пантомимым ямдыленна. Отрядысе



Пантомиме – рольым мут деч посна модмаш.

сеген. Ушан пырыс мурен да лудын.

А.С.Пушкинын йомакше-влак почеш викторине эртаралтын. Тыге ме поэтын ятыр йомакшым шарналтенна.

Андрей ШУРМЕТОВ.

Татарстан, Агрыз, Буймо.

Фотом школын архивше гыч налме.

кажне йочан рольжо лийын. Мый шонго кочайым модынам да колым кученам. Елисей королевичат лийынам, кугыжан ўдырым кычалынам. Гвидон князь шем курныжым

Чавайнын куэже ила

Сергей Григорьевич Чавайн – марий калыкын ик эн йоратыме да пагалыме серызыже. «Ото» почеламутшым кo ок пале? Марий ен-влак веле огыл, йотэллаште ильше-влакат шочмо йылмышт дене лудыт. Серызын йоча пагытше Изи Корамас ялыште эртен. Чавайн кугезе ковамын пошкудыжо лийын. Ковам ден кочам пoрт воктене шынден кодымо куэжым сайын шарнат. Кызыт тиде пушентге уке. Ялысе калык, уста эргыжым шарнен, олмешыже вес куэм шынден.



Эдита АЛЕКСАНДРОВА.
Морко, Арын.

Пырысат йомакым йората

Дима АЛЕСИН (снимкыште) Шернур посёлкышто ила. Тений школышко кая. Руш йомак-влакым лудаш йората. Т.Крюкован «Сила гипноза», «Волшебное зёрнышко» пашаже-влак поснак келшат. В.Орловын «Первая дорожка» почеламутшым икмыняр гана лудын. Ятыр корныжым наизусть пала. Пеленже эре – Тимофей пырысыже. Тудат йомакым колышташ йората. А пырля лудаш эшеат онгай.



Х.АЛЕКСАНДРОВА.
Фотом еш архив гыч налме.

Л.Н.Толстойын «Детство» повестыш-тыже вашлиялтше собственный лўм мут-влакым палыза.

кол + каен + и + Н + ь =
теве + Ир + н + ь =
ял + одо + В =
каен + И + л + ь =



«Русская словесность» кружокын енге-влак.

Волжский, Сотнур.

Рушэгер книгагудышто А.С.Пушкинлан пoлеклалтше «Пушкинский дозор» квест-модыш эртаралтын. Библиотекеш 1-4-ше класслам тунем пытарыше-влак толыныт. Серызын произведенийже-влак дене кылдалтше пазлым погеныт, йомакысе герой-шамычым палымыштым тергеныт, кроссвордлан вашмутым кычалыныт.

О.А.ОРЗАЕВА, книгагудо пашаен.
Шернур район.

Россий Федерацийысе цифровой вянгмаш, связь да массовый коммуникаций министрствын окса польшыж дене лукмо.

маке пурен возын, годым сандалыкыш логалмыла чучеш. А те тидын нерген паледа? Шүдыржө могай гына уке?! Шотлен от пытаре! Тыгай сүретым Йошкар-Оласе куснылшо планетарийыште ужаш лишеш. Тудым Р.С.Соболев вуйлата.

– Куснылшо планетарий 2011 ийыште икымше ончышо-влакым вашлийын, – ойла Роман Станиславович. – Ме районласе школ-влак дене утларак пашам ыштена. Йочасадлашке лектына. Ийготым шотыш налын, тӱрлӧ программым ямдылена. Теве Йоча-влакым аралыме тӱнямбал кечынат планетарийыште шуко уна лийын (снимкыште).

Куснылшо планетарий, у технологийым

Купол йы-

шүдыр-влакым ончымо

кучылтын, мландын могай лиймыжым, кызыт могай улмыжым сандалыкыш чоҥештыде ончаш йӱным ышта. Пуэн овартыме купольыш пурен,

йоча-влак шүдыр-влакын кузе шочмышт, кече петыр-налтмаш, метеорит, комете да шуко моло нерген пален налыт.

– Ондакысе семын кажне йоча космонавт лияш ок шоно. Но планетарийыште ончымышт деч вара ятыр йодышым пуэдат. Сандалык нерген пален налаш кумылан улмышт

шижалтеш. Тугеже, ме арам огыл пашам ыштена. Ала ончыкылык астроном ден шымлыше-влакым куштена? – ойла вуйлатыше.

Е.ИВАНОВА.

Фотом Интернет гыч налме.

21
Год
науки
и технологий

Купол йымалысе сандалык



Арулыкым эскерат

Карман курык пүртүс памятниклан шотлалтеш. Тушто экологий йолгорным почмылан ятыр ий эртен. Курыкышто пүртүс сӱрал, каналташ вер уло. Сандене калык эре коштеш. Экологий йолгорным эскерен, ачален шогыман. Ты пашам Коркатово лицейын биолого-химический классыштыже тунемше-влак шуктат. Поро паша ок мондалт.

В.СМИРНОВ.

Морко район.



Палыза

Могай курык нерген ойлаштыш?

- ➔ Тудын кок лийжӧ уло.
- ➔ Тӱнямбалне эн кижылан шотлалтеш.
- ➔ Кижытшиӧ – 8848 метр.

Рӱж ушнена

«Алые паруса» лагерыште илыш онайын эрта. Воспитатель-влак у модыш дене модыктат, тагасымашым, викториным эртарат. Поро пашам ышташ огына мондо. Шочмо кундемсе арулыкым эскерена: кагазым, шӱкым погена. Пашашке рӱж ушнена.

Полина АЛЕКСЕЕВА.
Морко, Коркатово.

Пайремлан – тау

Йоча-влакым аралыме тӱнямбал кечын тунемше-влак дене рӱдолан Тӱвыра да каныме паркышкыже миенна. Тушто «Ямде лий» ден «Кугарня» газетлан пашаенгышт-влак онай пайремым эртареныт. Йочашамыч сӱретленыт, марий модышла дене модыныт, пырля погынен, уш-акылыштым пудыратеныт. Тӱрлӧ сынан аквагрим чурийыштым сӱрастарен. Усталык шӱлышан пайремым пӱлеклымыланда тау.

Л.И.АЛЕКСЕЕВА, туныктышо.

Йошкар-Ола, 2-шо номеран школ.

Курыкан верлаште куржталмаш

Волжский кундемсе Мӱшылъер воктене курыкан верлаште куржталмаш дене тагасымаш эртаралтын. Тушко мыят ушненам (снимкыште шӱжарем дене пырля улына). Марий самырык театрын артистше-влак да «Кугарня» газетын пашаенже-шамыч дене тагасаш моткоч онай ыле. Мурызо В.Апталиков дене лишкырак палыме лийына. Мурымыжым чон канен колыштынна. Тиде спорт тагасымаш кужу жаплан шарнымашеш кодын.

Саша СТЕПАНОВА.
Волжский,
Упшер.



Фотом еш архив гыч налме.

Чылалан келша

Кече кўшыч шырата,
Мландым шокшын ырыкта.
Кушкыл-шамыч ужаргат,
Кенез толмым шижтарат.
Энер вўдшө, шыргыктен,
Кечыйолым модыкта.
Тидым ужын мардежшат
Ужар шудым тарвата.
Теве шўшпык шўшкалта,
Кенез кечым мокталта.
Тудым колын кукужат
Сылне мурым муралта.
Кенез пагыт – сылне пагыт,
Кумылнам каваш нёлта.
Мыланнаже – кенез каныш,
Чылалан моткоч келша.

Ксения БУТЕНИНА.
Морко, Эгерсола.

Пеледыш тылзе нерген калык кузе ойлен?

- Июнь – йошкар ...
- Май – куан, июнь – ...
- Май киндым кушта, а июнь – ...
- Июньшто ўжара ден ўжара ...
- Июнь пашашке ... , мурым ...

25 июнь – Морякын кечыже.

Сўретым ончен, түрлө тўсан кагазым пўчкеден, морякым ыштыза.



Пайдале каныш

Звенигово район Красногорский посёлкышто ылыше Алина ден Артём Майоровмыт (**снимкыште**) кенез канышыштым пайдалын эртарат. Ача-ава дене пырля шочмо кундемысе сылне вершөрла дене палыме лийыт. «Ваштар курык» санаторий кумдыкышто верланыше ер-влакым, «Ужар памашым», Пугачевын тумыжым кугешнен эскереныт. Кичиер, Яльчик ерлам ончен савырененыт. Тыгак Шолэнер посёлкышто ылыше кочашт Юрий Сергеевич Майоров дене яра жапым эртара ш йоратат. Пакчаште шўкшудым сомылат, кушкыллашке вўдым шават, «Ямде лий» йоча газетым пырля шергалыт.



Л.ГРИГОРЬЕВА.

Фотом еш архив гыч налме.



«К» буква дене

Кенез. Коля колым кучен: карпым, кыршым, каракам. Кочаже куанен. Коваже кол когыльым кўэштын. Кастене кумытын кол когыльым куанен кочкыныт.

Андрей РЕПИН.
Советский, Орша.

Йолташ ўдырем

Мыйын йолташ ўдырем – Аня. Ме йочасад гычак палыме улына, школышто ик парт коклаште шинчена. Кенез канышымат иквереш эртарена. Лагерьышкат пырля коштына. Аня моторын сўретла. Мый йолташ ўдырем дене кугешнем.

Юля ЯГОДАРОВА.
Советский, Кельмаксала.


Электротулым

Тушто аныклыза

Тудо воштыр ден толеш Шыпак, пуйто йышт иеш. Прибор-влакым ылыжта, Тулымат чўктен шында. Тый тудден модаш ит тошт, Перенат кертешыс, рошт.

Пален шуктышыч тьят?

Ну, тугеже лий йолташ!



«Ямде лий» йоча газет
Тўн редактор
Л.Н.ГРИГОРЬЕВА.
Индекс: П4696.
Тираж 1150 экз. Заказ
Формат – А-4-8.

https://vk.com/yamde_lii
<https://ok.ru/yamdellii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: yamdelii.rf

УЧРЕДИТЕЛЬ-ВЛАК: Мари́й Эл Республикысе культу́р, печать да калык-влакын пашашт шотышто министрстве, «Ямде лий» газет редакций.

Газетым редакцийыште погымо да версталыме, «Мари́й Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Массовый коммуникаций сферыште да культур наследийым аралымаште законодательствым шуктен шогымым эскерыше Федеральний службын Приволжский федеральный округысyo управленийыштыже регистрироватлыме.
Номер – ПИ №ФС 18-1999,
2005 ий 10 февральыште пуымо.

0+

Печатьыш пуымо жап –
14-00,
фактически – 13-00

Авторын да редакцийын шонымашышт түрлө лийын кертят. Серыш-влак монтеш огыт колталт.
Ак – кутырен келшыме почеш.

Редакцийын да издательын адресше:
424006, Йошкар-Ола, СССР Вооружённый Вийын 70-ше идалыкше урем, 20-шо порт.
Тел. 8(8362) 45-22-82(факс)

Кенже чияже

Конкурс




София ЮЗЫКАЕВА.
Татарстан, Агрыз, Буймо.



Кира ВЕСЕЛОВА.
У Торъял, Токтарсола.



Ксения МИЛЯЕВА.
Татарстан, Агрыз, Буймо.



Сүрөтүм
вашмутлан
келыштарен
чиялтыза.



2 квадрат лекше манын,
5 шырпым верже дене
вашталтыза.




Судуку




Сүрөтлен пытарыза.



Чын вашмут лекше манын, яра онгылашке
математике знак-влакым шындыза.




Йоча-влак, түрлө чиям варен, могай түс
лектым пален налнеда?
Чиялтен ончыза.



Польми:

Кроссворд

Чын вашештеда гын,
«Пасу покшелне түрлө
түсан пүгө шога» туштылан вашмутым ойыры-
мо клеткылаште пален налыда.



1. Тоя вуйышто – шортнӧ тыртыш.
2. Йӱр деч вара шочам, вигак упшым упшалам.
3. Могай тылзыште эн кужу кече лиеш?
4. Индеш изак-шоляк ик упш йымалне шога.
5. Кеч изи улам гынат, ўжарала йош-каргем. Мыйым чыланат погат, чодыраште куанен.
6. Пасу покшелне шиянше шондык шинча.
7. Сандалык йыр савырна, кырт-карт веле перна.
8. Волгалтеш, йыли-юли коеш, тулан пикшым кышка.

Медведево, Руэм.

Катя ВЕРЕНИЧ.

Интернетысе сүрөт-влакым кучылтмо.